



Inatsisartuni ilaasortaq  
Debora Kleist, Inuit Ataqaqatigiit  
/ Maani

## § 37 naapertorlugu apeqqut nr. 2017-287 utoqqarnut inunnullu innarluutilinnut tunngasumut akissut

24-01-2018  
Suliaq normu: 2017 - 28675  
Dok. nr. 26771742

Asasara Debora Kleist

Inatsisartut suleriiasianni § 37 tunngavigalugu utoqqarnut innarluutilinnut inissaqartitsineq pillugu apeqquteqaatinnut qujavunga. Apeqqutit ataani allasimapput, akissutinik malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### 1. Ukiuni tulliuuttuni inissianik tamatigoortunik sanaartornissaq eqqarsaatigalugu, aningaasaliissutit qanoq tullerriaarnissaat naatsersuutigineqarpa?

#### Akissut:

Namminersorlutik Oqartussat inissianik sanaartornissamut ukiuni tulliuuttuni pilersaarutaat, Namminersorlutik Oqartussat inissiaataannik Suliassaqaqarfirmi pilersaarussiaq aallaavigineqarpoq, taakkunanilu ilaatigut taartissanik inissialiortiternissamut innersuussutit ilaallutik. Aningaasaliissutissat tullerriaarneqarnerisa pilersaarussiaq pineqartoq aallaavigissavaat. 2018-imut pilersaarutit Namminersorlutik Oqartussat inissiaataannik pingaarnertut iluarsartuussinernik isaterinernillu imaqarput.

Tassunga tunngatillugu nalunaarutigineqarsinnaavoq Naalakkersuisut sulissutigimmassuk inissiat aamma aningaasat inissianut atorineqartussat januaarip aallaqqaataa 2019 aallarnerfigalugu kommuninit tiguneqarnissaat. Tamanna pillugu 2018-ip ingerlanerani kommunit peqatigalugit isumaqatiginniarloqassaaq. Tamanna ilaatigut ineqarnermut suliassaqaqarfirmik iluarsartuusseqqinnermut atatillugu pissaaq. Taamaasilluni tunniussisoqareepat inissiassanik sanaartornissamut aningaasartuutissat tullerriaarneri kommuninit aqunneqalissapput.

### 2. Utoqqarnut inissianik tamatigoortunik pisariaqartitsineq annertugiva? Qanorlu akeqassava?

#### Akissut:

Isumaginninnermut, Ilaqutariinnermut, Naligiissitaanermut Inatsisinillu Atuutsitsinermut Naalakkersuisoqarfiup pisariaqartitsineq annertusisimanersoq apeqqummut tunngatillugu imatut nalunaaruteqarput: "Apeqqut nr. 4-mut akissummut innersuussisoqarpoq".

Utoqqarnut inunnullu innarluutilinnut inissianik sanaartorneq kommunit susassaqafigaat, taamaammat Naalakkersuisut periarfissaqanngillat pisariaqartitsineq annertusisimanersoq pillugu nalunaaruteqassallutik.

Taamaammat aamma akit agguaqatigiissillugit qanoq annertutiginersut Naalackersuisut nalunaaruteqarsinnaanngillat. Taamaattorli tassunga tunngatillugu oqaatigineqarsinnaavoq Namminersorlutik Oqartussat ilaqtariinnut arlalinnut inissianik maannakkut sanaartoreranni akit m<sup>2</sup> –mut kr. 23.000-it missaaniimmata.

**3. Inunnut innarluutilinnut inissianik tamatigoortunik pisariaqartitsineq qanoq annertugiva? Qanorlu naleqassava?**

**Akissut:**

Isumaginninnermut, Ilaqtariinnermut, Naligiissitaanermut Inatsisinillu Atuutsitsinnermut Naalackersuisoqarfiup pisariaqartitsineq pillugu imatut nalunaaruteqarpoq: "Apeqquut nr. 4-mut akissummut innersuussisoqarpoq".

Aningaasartuutitut tunngasoq apeqquut nr. 2-mut akissut takuuk.

**4. Illoqarfinni nunaqarfinnilu inissiat illullu utoqqarnut, inunnullu innarluutilinnut sanaartornissamut qanoq pilersaaruteqartoqarpa?**

**Akissut:**

Isumaginninnermut, Ilaqtariinnermut, Naligiissitaanermut Inatsisinillu Atuutsitsinnermut Naalackersuisoqarfiup nalunaarutigivaa: "Innersuutigissavarput siunissami eqaatsumik sanaartortoqartassasoq, inissiat utoqqarnut inunnullu innarluutilinnut atorineqarsinnaasunngorlugit, taamaasilluni inissiat nalinginnaasut inissiallu utoqqarnut/innarluutilinnullu immikkoortinneqarunnaarlutik".

Taassuma saniatigut apeqquutit nr. 2-mut 3-mullu akissutinut innersuussisoqarpoq, taamaammallu Naalackersuisut pilersaarutit pillugit paasissutissiisinaanatik.

Neriuppung qulaani allaqqasuni apeqquteqaatitit akineqartut.

Inussiarnersumik inuulluaqqusillunga

  
Erik Jensen